



Putnici i ručna/kabinska prtljaga

Zbog sigurnosnih razloga, u kabinu zrakoplova, Sigurnosnu zonu ograničenog pristupa i ključne dijelove ove zone, putnicima (na sebi), i u njihovom ručnom prtljagu, neće biti dopušteno unošenje:

pištolji, vatreno oružje i drugi predmeti koji izbacuju projektile – predmeti koji mogu, ili se čini da mogu, biti upotrijebljeni kako bi uzrokovali ozbiljnu povredu izbacivanjem projektila, uključujući:

vatreno oružje svih vrsta, kao što su pištolji, revolveri, puške, sačmarice, igračke u obliku oružja, replike i imitacije vatrenog oružja, koje bi se zabunom mogle smatrati pravim oružjem, sastavne dijelove vatrenog oružja, osim optičkih nišana, oružje s komprimiranim zrakom ili SO₂, kao što su pištolji, zračni pištolji i puške te oružje koje ispaljuje kuglice, signalne i startne pištolje, lukove, samostrele i strijele, podvodne puške s harpunom ili ostima, pračke raznih vrsta;



naprave za omamljivanje – naprave koje su namijenjene posebno za omamljivanje ili imobilizaciju, uključujući:

šokere, kao što su elektro-šokeri, taseri i električne palice, naprave za omamljivanje i ubijanje životinja, hemikalije, plinove i raspršivače za oslijepljivanje i onesposobljavanje, kao što su raspršivači koji sadrže nadražujuće kemikalije poput suzavca, kapsaicina odnosno ekstrakta paprike, raspršivači kiseline i raspršivači za odbijanje životinja;



predmeti s oštrim vrhom ili oštrim rubom –

predmeti s oštrim vrhom ili oštrim rubom koji se mogu upotrijebiti za nanošenje ozbiljnih povreda, uključujući:

predmete namijenjene za sječenje, kao što su sjekire, sjekirice i mesarske sjekire, cepine i šiljke za led, britve, skalpele, i noževe/čakije, bez obzira na dužinu oštrice, makaze s oštricama dužim od 6 cm (ukupna dužina), opremu za borilačke vještine s oštrim vrhom ili oštrim rubom, mačevi, mačete i sablje; bilo koji drugi predmet koji se može upotrijebiti za nanošenje ozbiljne tjelesne povrede, a koji se obično ne koristi u SZOP.



radnički alati – alati koji se mogu upotrijebiti za nanošenje ozbiljnih povreda ili za ugrožavanje sigurnosti (safety) zrakoplova, uključujući:

pajsere, bušilice i svrdla za bušenje, uključujući bežične prenosne električne bušilice, alate s



oštricom ili drškom dužom od 6 cm koji se mogu upotrijebiti kao oružje, kao što su odvijači i dlijeta, pile, uključujući bežične prenosne motorne pile, letlampe, pištolje za šarafe i pištolje za eksere;

tupi predmeti – predmeti koji se mogu upotrijebiti za nanošenje ozbiljne povrede kada se njima udari, uključujući:

palice za bejzbol ili softbol, štapove i palice, kao što su batoni, pendreci i palice, opremu za borilačke vještine;

eksplozivi i zapaljive tvari i naprave – eksplozivi i zapaljive tvari i naprave koji se mogu, ili izgledaju kao da se mogu, upotrijebiti za nanošenje ozbiljne povrede ili za ugrožavanje sigurnosti zrakoplova, uključujući:

municija, detonatore-kapsle, i štapine, replike ili imitacije eksplozivnih naprava, mine, granate, ručne bombe i dr eksplozivne vojne naprave, rakete za vatromet, petarde i druge pirotehničke predmete, kanistre i patrone za proizvodnju dima, dinamit, barut i plastične eksplozive, benzin i ostale zapaljive tečnosti, sve nagrizajuće ili otrovne supstance, uključujući plinove, bilo da su pod pritiskom ili ne.


tečnosti, raspršivači (aerosol) i gelovi – LAGs / uključuju:

- vodu i ostala pića; juhe; sirupe; kreme; losione i ulja; parfeme; sprejeve; gelove (uključujući gel za kosu i gel za tuširanje); sadržaj doza pod pritiskom (uključujući pjenu za brijanje); ostale pjene i dezodoranse; paste (uključujući i pastu za zube); mješavine tekućina i krutina; maskaru (i sve ostale predmete slične konzistencije).
- lijekovi, bilo koju kombinaciju navedenih stavki.



Posebna napomena 1.

- 1) U Sigurnosnu zonu ograničenog pristupa i zrakoplov, putniku može biti dozvoljeno unošenja artikala samo ukoliko su pakovani u ambalaži zapremine do 100ml u ukupnoj količini ili zapremine do 1 l raspoređeni u providnoj plastičnoj kesici (koju je moguće zatvoriti).
- 2) Od ovog pravila se može odstupiti samo ukoliko se radi o lijekovima, mlijeku/hrani za bebe i specijalnoj dijetalnoj prehrani, ali će biti izvršena provjera autentičnosti.




- 3) Prije sigurnosne kontrole ili pregleda tekućine, raspršivači i gelovi moraju se izvaditi iz ručne prtljage i oni se pregledaju odvojeno.
- 4) Kada su u pitanju artikli koji se prodaju u bescarinskoj trgovini, isti su (prije njihova unošenja) predmetom sigurnosnih kontrola u skladu i zahtjevanim SARPs.
- 5) Kupljeni artikli se, zajedno sa računom pakuju u sigurnosne (STEB) vrećice sa logom Međunarodnog aerodroma Sarajevo.

„Električne cigarete i powerbanks u ručnom prtljagu i kod putnika-lica“

Kada su u pitanju ovi artikli poduzeti će se slijedeće:

- 1) ukoliko putnik u ručnom prtljagu prenosi električne cigarete (svi modeli električnih cigareta) kao i powerbank (svi modeli baterija) prtljag će biti ručno pregledan od strane radnika SSIZ, kako bi se utvrdila jačina baterije (koja mora biti u skladu sa DGR tabelom 2.3 A). Sve električne cigarete, kao i powerbank koje zadovoljavaju propisane jačine moraju biti sigurno zaštićene od slučajne aktivacije (spakovane u originalnom pakovanju, ili elektronski zaključane kako ne bi došlo do slučajne aktivacije u prtljagu).
- 2) dozvoljena količina i broj električnih cigareta kao i powerbank ne smije prelaziti ograničenja koja su propisana u DGR tabeli 2.3.A
- 3) u slučajevima gdje putnik ima električne cigarete ili powerbank koje prelaze dozvoljenu jačinu ili ima veći broj komada od dozvoljenog, od putnika će se zatražiti da iste odloži u za to predviđenu kantu za otpad.
- 4) dodatne baterije koje se koriste za medicinska pomagala su opisane posebnim mjerama koje se nalaze u DGR tabeli 2.3.A (detaljno opisano u dijelu 2.3.2.4).

Posebna napomena
2.



Odvojeni-čekirani/predati prtljag putnika

U Sigurnosnu zonu ograničenog pristupa i zrakoplov (bagažnik za odvojeni-predati prtljag) neće biti dopušteno unošenje:

1) **Eksplzivna i zapaljivih supstanci i naprava**

Eksplzivni i zapaljive supstance i naprave koje mogu nanijeti ozbiljne tjelesne povrede ili ugroziti sigurnost zrakoplova, uključuju sljedeće:

- municiju (uz dopuštenje operatera određene patrone mogu biti dozvoljene za transport u odvojenom prtljagu, pod uvjetima navedenim u Dijelu 8, Poglavlje 1, 1.1.2 Tehničkih uputa za siguran zračni transport opasnih roba (Doc. 9284)), detonatorske kapisle, detonatore i štapine, mine, granate, ručne bombe i druga vojna eksplozivna sredstva, rakete za vatromet, petarde i ostalu pirotehniku, kanistre i patrone za proizvodnju dima, i dinamit, barut i plastične eksplozive.

Posebna napomena

1.

- 1) Na letovima zračnih operatora (koji to pismeno zatraže) neće biti dozvoljen prevoz alkoholnih pića domaće proizvodnje, i obaveza je i odgovornost radnika Službe za tehničku zaštitu SSIZ (raspoređenih na RM7), zaustaviti, otvoriti i pretražiti svaki prtljag u kojem se uoče boce sa alkoholom (svih vrsta). Ukoliko se konstatuje da se radi o navedenim alkoholnim pićima, ista će biti izvađena iz prtljaga i na propisan način uništena.
- 2) Izuzetak je ukoliko se radi o tvrdom zaključavanju prtljaga kada se poziva vlasnik prtljaga, gdje će mu se omogućiti da bocu s pićem vrati pratiocima ili se oslobodi od pića na drugi odgovarajući način.
- 3) Ovakav zahtjev biće primijenjen i implementiran i prema svim drugim zračnim operatorima koji to iskažu.


„Električne cigarete i powerbanks u odvojenom-čekiranom prtljagu“

Kada su u pitanju ovi artikli poduzeti će se slijedeće:

- 1) U skladu sa DGR tabelom 2.3 A prenos električnih cigareta i powerbank u čekiranom prtljagu nije dozvoljen iz sigurnosnih razloga (rizik od samozapaljenja i kratkog spoja koji može uzrokovati požar).
- 2) Ukoliko putnik, uprkos svim prethodno dostupnim obavještenjima koja se nalaze na zvaničnoj web stranici Međunarodnog aerodroma Sarajevo (www.sarajevo-airport.ba), kao i putem drugih kanala informisanja (tokom kupovine avionske karte, prilikom čekiranja, te kroz direktna upozorenja osoblja na check-in šalterima), pokuša da prenese **električne cigarete (bilo kojeg modela) ili powerbank uređaje (bilo kojeg kapaciteta) u čekiranom prtljagu**, takav prtljag će, u skladu sa važećim sigurnosnim procedurama, biti **ručno pregledan od strane radnika Sektora za sigurnost i zaštitu (SSIZ)**.

Posebna napomena

2.



- 3) S obzirom na to da je prenos ovih uređaja **strogo zabranjen u čekiranom prtljagu**, navedeni predmeti će biti **privremeno izuzeti**, a u prtljag će biti ubačen **dokument o izuzimanju**, koji pored ostalih podataka sadrži informacije o:
 - a) vrsti i količini izuzetih predmeta,
 - b) načinu i uslovima za preuzimanje istih.
- 4) Izuzeti predmeti (električne cigarete i powerbank uređaji koji se uklone bez prisustva putnika) biće skladišteni u prostorijama SSIZ u periodu od **30 dana od dana izuzimanja**. Nakon isteka tog roka, biće predati u **magacin aerodroma** na dalje postupanje, u skladu s internim procedurama.
- 5) Putnik koji nije u mogućnosti da lično preuzme izuzeti predmet može **ovlastiti drugo lice**, koje prilikom preuzimanja mora predložiti:
 - a) lični dokument,
 - b) fotografiju dokumenta o izuzimanju koji je putnik pronašao u svom prtljagu.
- 6) Po dolasku putnika ili ovlaštenog lica, ovlašteni radnik SSIZ-a će izvršiti provjeru dokumentacije i **predati izuzeti predmet** vlasniku ili ovlaštenoj osobi.

Ukoliko se u čekiranom prtljagu nalaze zabranjeni predmeti (električne cigarete i/ili powerbank), a radnik SSIZ-a **nije u mogućnosti otvoriti prtljag** (npr. zbog čvrstog zaključavanja, prtljag nije opremljen TSA bravom, ili iz drugih tehničkih razloga), **putnik će biti pozvan putem aerodromske aplikacije ili poziva**, te će biti **zamoljen da se lično pojavi** u prostoriji L4 i izvrši otvaranje prtljaga na licu mjesta, uz prisustvo radnika SSIZ, kako bi preuzeo zabranjeni predmet (električnu cigaretu, powerbank).

Opasne materije

- 1) Opasne materije su materije ili predmeti koji mogu predstavljati značajnu opasnost za zdravlje, sigurnost ili imovinu putnika kada se prevoze zračnim putem.
- 2) Odredbe Priloga 18 Konvencije o međunarodnom civilnom zrakoplovstvu - Bezbjedan transport opasnih materija zrakom - uređuju materiju na međunarodnom nivou. Tehničke instrukcije koje su dio pomenute međunarodne regulative razlikuju opasne materije koje se prevoze kao teret i opasne materije koje prevoze putnici i posada u odvojenom prtljagu, ručnom prtljagu ili na sebi. Tehničke instrukcije sadrže listu od preko 3.000 opasnih materija klasificiranih u grupe kojim se definiše njihova prihvatljivost za transport zrakom i pod kojim uslovima je taj transport moguće vršiti.

Bazni propisi

- 1) ICAO Doc 8973/7, Security Manual for Safeguarding Civil Aviation Against Acts of Unlawful Interference,
- 2) COMMISSION REGULATION (EU) No 1998/2015
- 3) ECAC POLICY STATEMENT IN THE FIELD OF CIVIL AVIATION SECURITY, Doc No. 30 (PART II)
- 4) ICAO, Doc 9284, Technical Instruction for the Safe Transport of Dangerous Goods by Air; i
- 5) IATA, Dangerous Goods Regulations

Posebna napomena:

MAS će na radna mjesta redovno dostavljati ažurirane izvode IATA propisa o Opasnim materijama te će se isto na propisan način i implementirati.

Pažnja:

Navedeni zabranjeni predmeti će biti uklonjeni iz prtljaga putnika, na sigurnosnoj kontroli.

Razumijevanje i obaveza svih za sigurnost!

Ljubazno molimo naše putnike da prije svog putovanja provjere da nemaju neki od navedenih predmeta, kako bi svoje putovanje učinili sigurnijim, te kako se ne bi izlagali nepotrebnim i neugodnim situacijama.

Vjerujemo da nam je zajednički cilj, VI putujete ugodno i sigurno, mi ćemo činiti sve da Vam to i osiguramo!